

22 MAY 2000

DR MAHATHIR SAMPAIKAN UCAPTAMA PADA FORUM ASIA AFRIKA KETIGA

KUALA LUMPUR, 22 Mei (Bernama) -- Perdana Menteri Datuk Seri Dr Mahathir Mohamad akan menyampaikan ucap tama pada sesi pembukaan Forum Asia Afrika Ketiga (AAF III), yang akan diadakan di sini esok.

Persidangan tiga hari itu adalah sebahagian daripada proses Persidangan Antarabangsa Tokyo mengenai Pembangunan Afrika (TICAD) di dalam bentuk aktiviti susulan dan dialog di antara pegawai peringkat tinggi dari Asia dan Afrika mengenai cara untuk mengukuhkan kerjasama di antara kedua-dua rantau itu.

AAF III akan mengakses kemajuan di dalam Kerjasama Asia Afrika sejak TICAD II terutama di dalam pembangunan sektor pertanian dan swasta, selain untuk merangka arah haluan bagi kerjasama masa depan, menurut kenyataan Unit Perancangan Ekonomi di Jabatan Perdana Menteri di sini hari ini.

Menurut kenyataan itu, AAF III akan juga mengeluarkan satu Kenyataan Milenium Baru bagi Kerjasama Asia Afrika bersama-sama dengan satu set cadangan bagi aktiviti susulan.

AAF III dianjurkan bersama oleh kerajaan Malaysia dan Jepun, selain Program Pembangunan Bangsa-bangsa Bersatu (UNDP), Penyelaras Khas Bangsa-bangsa Bersatu bagi Afrika dan Negara Mundur (UN/OSCAL) dan Gabungan Global bagi Afrika (GCA).

-- BERNAMA
HS AHH AKD